



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

**Riedel, Adolph Friedrich**

**Berlin, 1865**

I. Albrecht, Erzbischof von Magdeburg, verpflichtet sich, die 1800 Mark,  
welche ihm die Markgräfin von Brandenburg und ihre Söhne schuldig sind,  
zur Einlösung von Tafelgütern zu verwenden, am 17. ...

---

---

**Nutzungsbedingungen**

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

## Das Kurfürstliche Haus und allgemeine Landes-Angelegenheiten betreffende Urkunden.

- I. Albrecht, Erzbischof von Magdeburg, verpflichtet sich, die 1800 Mark, welche ihm die Markgräfin von Brandenburg und ihre Söhne schuldig sind, zur Einlösung von Tafelgütern zu verwenden, am 17. September 1221.

A. dei gracia sancte Magdeburgensis ecclesie Archiepiscopus, Dilectis in christo filiis O. maiori Preposito, G. decano totique ipsius ecclesie Capitulo Sincerum paterne caritatis affectum. Cum exigentibus peccatis malicia dierum nostri temporis nos pressisset instanter et ex commocione Imperii nostram specialius et instancius ecclesiam commouisset, sicut tribulaciones et presure nos et vos multis grauium dampnorum sensibus docuerunt, non potuit ecclesia nostra in statum pristinum reparari, adhuc malis quibusdam contra nos spirantibus, Imperio etiam pacato. Cupientes igitur reparacioni eius intendere bona fide, cum reparacio ipsius nostre reparacio sit salutis, prefertim quod nec a lapsu eius excludimus culpam nostram nec excusare nos volumus contra ipsam, Confitemur et presentibus nostris litteris protestamur, quod Mille Octingentas Marcas nobis a domina Marchionissa Brandenburgensi ac filiis eius soluendas ad hoc tradidimus et assignauimus, ut de ipsis mense nostre redditus redimantur et nullis aliis usibus applicentur. De hiis eciam, que redempta fuerint, nichil nobis proueniat, nichil nostris attrahatur sumptibus et expensis, sed ipsa redempta per singulos annos in pecuniam redigantur et semper in continuam redemptionem obligatorum ipsa pecunia conuertatur, donec obligata omnia liberentur. Sane ut hec nostra disposicio prudenter et fideliter consumetur, pretaxatam pecuniam Mille Octingentarum marcarum in manus Quatuor Canonicorum ecclesie nostre et Quatuor Ministerialium eius iussibus assignare, ad quorum manus facta est promissio ipsius pecunie in statutis terminis persoluende, cuius vna medietas in festo beati Martini proxime nunc venturo, Reliqua vero in festo beati Johannis baptiste proxime secuturo soluetur. Presentibus itaque litteris nostris domino Thiderico de Schermbeke, preposito, wernero, ludewico et Craphtoni, ecclesie nostre Canonicis, Gerardo dapifero nostro, Johanni de Jericho, Burghardo de Briezne, Richardo de Plawe, Ministerialibus, ea, que premissa sunt, committimus exequenda, ut ea iuxta fidem et ad deuocionem suam exequi non omittant.

Nos autem dextram fidemque dedimus in manus decani recipientes eam ex parte Capituli, sed et in manus fratrum nostrorum heinrici, Comitis de Swarzburg, et Guntheri, Comitis de Keuerenberg, Alberti de Arnsten, vicedomini nostri, presente Capitulo, promissimus data fide, quod supra scriptam ordinacionem nostram in plena, seruabimus firmitate, ita ut ipsam nullo tergiuersacionis ingenio cauilemus. Ipsi quoque huius nostre disposicionis executores suis nominibus prenominati suum nobis et decano dedere promissum super eo, quod cuncta, que premissa sunt, quantum in eis fuerit, fideliter exequantur. Testeshuius rei sunt Gernandus decanus, Anno Cellerarius, Rodolfus Scolasticus, fridericus de Meyendorp, Tidericus de Scherembecke, wernerus Prepositus, ludolfus de Swanebeke, Syfridus, lodewicus, Kraphto, willebrandus prepositus, Albertus Themo, luidolfus de Indagine, Burchardus Prepositus, ecclesie nostre canonici. Layci vero Burchardus, Burcrauius Magdeburgensis, heinricus Comes de Swarzburg, Guntherus Comes de Keuerenberg, Albertus de Arneften vicedominus, luidolfus Comes de hedremunt (sic! statt halremunt), Gerardus dapifer noster, Johannes de Jericho, Burchardus de Briezne, Richardus de Plawe, Richardus de Tferewist, heinricus et fridericus, fratres eius, et alii quam plures. Acta sunt hec in Porticu superiori maioris ecclesie Anno incarnationis dominice Millefimo CCXXI. Datum Magdberg, XV Kl. Octobr., Pontificatus nostri anno Quinto decimo.

Aus dem Liber S. Mauritii im Herzogl. Landes-Archive zu Bernburg f. 40 (Cop. IVa. f. 17 im R. Provinzial-Archive zu Magdeburg). Die Abschrift dieser und der folgenden Urkunden des Magdeb. Prov.-Archives ist vom Herrn Archiv-Assistenten S. Wedding angefertigt.

II. Gernand, Bischof von Brandenburg, entscheidet, die Kirche zu Hohen-Havel sei nicht Filia der Kirche zu Ihleburg, sondern eine freie Pfarrkirche, am 7. October 1225.

Gernandus, dei gracia Brandeburgensis Ecclesie Episcopus, Cum inter luidolfum plebanum de Ilborch et wasmodum plebanum de Honhauete nostre Diocesis super statu Ecclesie de Honhauete questio uerteretur, proponente ipso luidolfo, Ecclesiam de Honhauete in parrochie sue terminis esse constructam et ob hoc filiam eius esse, nisi forsitan aut exemptio probaretur aut aliud aliquid iure cautum, quod traditam eidem Ecclesia ostenderet libertatem; questionem ipsam, que coram delegatis a Sede apostolica Judicibus agebatur, ad nos ipsi Iudices, simul quoque dicta testium sigillis suis inclusa, de consensu partium transmiserunt, eo quod ad nos ordinaria ipsius cause iurisdictio pertineret. Sane cum coram ipsis Judicibus productionibus testium a partibus renuntiatum esset hinc inde et usque ad publicationem dictorum omnia rite acta nos apertis dictis et diligenter examinatis hiis, que contineri uidimus in eisdem, inuenimus, Ecclesiam de Honhauete liberam esse certisque suis terminis parrochialibus contineri. Sententialiter igitur pro ipsius pronuntiauimus libertate ipsamque sue adiudicauimus et addiximus libertati. Et dicta quedam testium a partibus productorum sigillo nostro causa diligenter fecimus in posterum referuari, ut et maneret posteris declaratio iuris ecclesie memorate et si necesse foret, appareret euidentis iusticia facti nostri. In Monte autem beati Johannis Baptiste Magdeburgensis, ad cuius Monasterium per-